

中國方志叢書·華北地方·第一〇九號

據清同治十一年刊本影印

河南省

臨漳縣志略備考
(全)

成文出版社印行

中華民國五十七年八月臺一版

臨漳縣志略備考

定價：新台幣二八〇元正

發行人：黃 成 助

臺北郵政信箱二二六〇五號

出版者：成 文 出 版 社

臺北郵政信箱二二六〇五號
電話：九二二〇一〇號

印刷者：正 大 印 製 廠

三重市長生街二號之一

內政部登記證內版臺業字第一一四七號




臨漳縣城工礮樓圖說序


同治十年秋會稽駱公由臨漳權篆吾邑時河內沁隄決徐保吾邑被淹者九十餘村合龍之後積水不消公苦心勞思日夜謀所以疏洩之人賴以安嗣是減徭役堅隄防化梗頑不數月而政聲藉藉民口矣今歲夏公以臨漳縣城工礮樓圖說見示並屬順爲序回環展視知公之治臨漳與其所以治吾邑者事異而心同也臨漳爲燕豫兩省咽喉一旦有故戎馬之所必經其城自明初修築漳水衝刷半就傾圯公以其爲南北要地又時逢搶攘謀諸衆剋日興工缺者補之仆者植之增高

五尺設礮樓二十座暗門突門悉倣周臺公戚南塘之式而變通之事畢繪圖著說俾後人有所尋覽是卽未至其境亦按圖而知其屹然不可動也夫自粵匪滋事以來所陷城郭不可勝紀豈盡守禦之不力而甘心授首於敵人哉祇以承平日久增陴浚隍皆視爲不急之務及烽烟告警觀望周章一籌莫展以至肝腦塗地白骨如莽嗚呼良可慨已今以五百餘年之廢城一旦而新之且杜漸防微期於可久公之爲民計者何深且遠也吾向者讀公學治小試一書見其初涖封邱卽皇皇以繕治城垣爲急工甫竣東匪適至諸處豕突狼奔不

知所出而是邑獨安堵無恐茲非其明驗歟且是時創正義書院教忠順也建惠民倉備持久也選丁壯習步伐能戰而後能守也其於臨漳也亦然蓋多方而爲之備皆所以衛此城以衛民也是舉也不獨臨漳一邑其以嚴河朔之門戶而爲畿南之保障者胥視諸此其功豈淺鮮哉若公者可謂以實心行實政而深得體要者矣是爲序同治十一年六月下瀚治愚弟武陟毛鴻順頓首拜撰

重 建 臨 漳 縣
城 五 駁 樓 邑





同治十年庚申冬
巴五三梅生石効極

修建臨漳縣城工砲樓圖說

一臨漳城北至直隸成安縣城二十五里至廣平府城九十里西至磁州城四十里西北至邯鄲縣城七十里東至大名府城九十里東北至廣平縣城五十里至肥鄉縣城七十里東南至內黃縣城一百一十里西南至彰德府城九十里南至汴梁省城四百餘里中間並無州縣城池阻塞惟城南二十餘里有漳河一道以爲設險之限其東西北三面皆係直隸境南可直達汴垣平時乃偏僻小道一遇軍興爲戎馬往來必由之路蓋西路安陽磁

州邯鄲一帶地多渠水東路大名境內則漳衛兩水滙歸河岔紛歧又有大名鎮道兵勇駐紮大隊人馬不能肆逞是以上年皖捻北竄往來皆取道臨漳此其明證而直省防兵東防清豐南樂西防邯鄲磁州不知賊馬一經越過臨漳卽至廣郡深入直境邯磁大名所設防兵俱在賊後有地方邊圉之責者當知臨漳一城介在兩省咽喉之地不獨爲河朔門戶實爲畿南保障不能以隔境而歧視之也

一臨漳地濱漳河城池屢爲河患徙避今城築於明

初五百餘年來漳水亦數次浸灌是以城外積高城中低窪此次修城雖加高五尺尙不能高出四關民居之上特於城牆四面添築砲樓十二座又城門洞兩旁造成護門砲樓八座共計二十座均虛實相間以免施放鎗砲時飛子打入砲樓自相中傷砲樓頂上仍設女牆作砲台之式可以安設白龍砲架以備擊遠之用

一州縣城池近年以來多屬民捐民修地方官當勸修之時莫不勉以公義爲圖保聚之方及一旦遇警賊馬逼近城郭而城門不能不閉四鄉逃民得

信較晚者多於深更半夜携老挈幼逃至城下不得進城每值風霜雨雪其啼饑號寒相與怨詈於城下者有之同城文武官紳當安危呼吸之間衆情沸亂之際或拘泥以拂衆或逆情而干譽因放逃戶而牴牾者有之卽暫開一門而逃車過多相率爭進老弱男婦多被擁擠踐踏而喪性命者亦有之地方官之聲望因此而損衆志亦因此而懈各處守城情形雖不一而大致不外乎此且每當賊騎闌入關廂焚掠不能不派勇縋城出擊而繩繫三二百人下城頗費工夫適遇賊匪兇猛勇丁

不能抵敵往往驚散不及縋城而上今於四城門洞兩旁均造成空心護門炮樓三面安設炮眼門洞上緊靠城門留水眼三個以備灌水下救燒門之火每門靠城牆留暗門一道外築牛馬牆以爲遮蔽此門只容一人僂身出入遇閉城之時四鄉逃民均可由此放入亦可派勇出城乘賊不備而擊之城上敵樓上層三面均留箭窗可以望遠並可放箭開炮此乃仿照前明周臺公戚南塘虛實敵臺護門炮樓及暗門突門之式變通辦理城門洞內仍安設鐵門兩道以昭重關之制

一每門城上安設大將軍噴筒一尊大炮兩尊護門
炮樓八座每座安佛郎機五尊抬砲五杆四城中
炮臺八座每座上下兩層上層安大白龍一架下
層安大炮兩尊抬炮五杆四城角空心炮樓四座
上下四層上層安大白龍一架下三層每層安佛
郎機五尊抬鎗五杆下餘鳥鎗抬炮分布垛口平
日除大炮永遠在城上安設外其餘鳥鎗抬炮佛
郎機大白龍以及各隊旂幟守城器械封存武庫
勿得散放以免遺失

一守城丁壯必須平時操演精熟分定隊伍各司其